

## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 92. Congregatio pro examinandis Episcopis recens electis a Pontifice  
erecta.

---

[urn:nbn:de:hbz:466:1-67252](#)

Sæcul. XVI.  
A.C. 1593.

II. Altera die vigesimo sexto ejusdem Mensis edita summus Pontifex confirmabat gratias a Pontificibus Praedecessoribus concessas Congregationi Clericorum Regularium S. Majoli, alias de Somascha, cum aliorum privilegiorum concessione.

III. Duo ejusdem Pontificis diplomata, quorum primum die secunda, alterum vero vigesima nona Maji prodiiit, respiciebant Fratres Carmelitas mitigatos, quibus prima constitutione prohibetur, ne pro impetrandis dignitatibus, sive Ordinis Officiis extra Religionem amicos, & Patronos sibi procurent, ubi Pontifex declarat, electiones hac via factas omnino nullas esse.

IV. Altera Constitutione idem Papa Congregationem Fratrum Discalceatorum Ordinis Beatæ Mariæ de Monte Carmelo separabat a fratribus mitigatis ejusdem Ordinis.

### §. XCII.

*Congregatio pro examinandis Episcopis recens electis a Pontifice erecta.*

Ciac. I. c.  
tom. 4.

Pariter Clemens VIII. pro Præfulum recens electorum examine Congregationem instituit, ipsosque illos, quos nominabat, circa Canones, legesque ecclesiasticas interrogans ceteros ex Theo-

Theologia examinandos ad Bellarmi-  
num Cardinalem remittebat. Porro  
hæc congregatio ex octo, vel decem  
Cardinalibus, ac præfixo Præfulum,  
& Doctorum ex diversis Ordinibus af-  
sumptorum numero consistit, atque ho-  
diedum adhuc viget, præsentisque sum-  
mo Pontifice habetur, ubi illi, quos  
Papa ad Episcopatus pro solis Italiæ Ec-  
clesis promovere intendit, examinan-  
tur, reliqui autem ad exterias sedes e-  
vehendi ab hac lege exempti sunt: ex-  
aminandus autem coram Pontifice in  
pulvinari genuflexus comparere cogi-  
tur, cui omnes adstantes libere varias  
quæstiones dissolvendas proponere va-  
lent: peracto autem hoc examine ille,  
qui Congregationi a secretis est, ex-  
aminati nomen tabulis inscribit, quo  
facto jamjam ad Episcopatum admissus  
habetur: si tamen quidam Episcopus,  
qui jam dudum in alia Provincia mo-  
ratus est, ad Ecclesiam in Italia sitam  
nominetur, tunc hoc examen subire  
cogitur, nisi saltem Cardinalitia digni-  
tate insignis sit: sola tamen hæc appro-  
batio nondum sufficit, ut propterea Epi-  
scopus esse censeatur; insuper enim fi-  
dei professionem in manibus illius Car-  
inalis, quem a Papa nominatum appellat  
Proponentem, emittere jubetur,  
ac postea jurati audiuntur testes, qui

B b 2

de

**Sæcul. XVI.** de præsenti Ecclesiæ novo Episcopo pro-  
A.C. 1593. videndæ statu, necnon de genere, do-  
tibus, vita, & promovendi moribus  
certum præbeant testimonium: hac  
autem inquisitione facta idem Cardina-  
lis suo Auditori præcipit, ut desuper  
conficiat tabulas, Notarii, Cardinalis  
Vicarii, necnon Cameræ Auditoris  
chirographo, sigilloque muniendas. Eo-  
dem quoque tempore promovendus ob-  
tenti Doctoratus diploma, vel alias ex-  
hibet literas, uti sunt dimissoriales, &  
susceptorum Ordinum testimonia, seu,  
ut vocant, *formatæ*.

His peractis rursus alii excipiuntur  
testes, qui fidem facere jubentur, quod  
promotus ex legitimo toro natus sit,  
nec ejus parentes unquam de hæresi  
quacunque in suspicionem venerint,  
ipse vero trigesimum ætatis suæ annum  
a Concilii Tridentini decretis præscri-  
ptum attigerit: præterea in omnes Epi-  
scopatus redditus, eorumque condi-  
tiones inquiritur: demum Cardinalis pro-  
ponens scripta hæc testimonia suo si-  
gillo firmat, eaque ad tres Cardina-  
les, qui inter sacros Ordines primum  
locum obtinent, remittit, ut deinceps  
apud eos semper asservata maneant.  
His factis in primo secreto Patrum Se-  
natū hujus promovendi electio promul-  
gatur, in proximo autem idem publice  
propo-

proponitur, habito sermone, in quo Sæcul. XVI.  
succincte de ejus vita, & moribus visa,  
& audita, atque ad tabulas relata re-  
censentur: priusquam vero Cardinalis  
Proponens de Sede, ad quam ille no-  
minandus est, mentionem facit, neo-  
electus Præsul Præfectorum, quem ærarii  
pro sacro Collegio erecti receptorem vo-  
cant, duas literas, quibus duntaxat  
ipsius nomen subscriptum habetur, tra-  
dit, simulque promittit, quod omnia,  
quæ Cardinali, Cameræ Apostolicæ,  
aliisque Cancellariæ Ministris debentur,  
numerare velit.

Pridie autem, quam neo-electus  
proponitur, Cardinalis Proponens ad  
omnes reliquos hujus Congregationis  
Viros transcriptum rei gestæ exemplum  
mittit, ut & ipsi cuncta discutiant, si-  
mulque examinent, an nihil in hoc no-  
minato reprehendendum deprehenda-  
tur; quinimo vix hic ceteris propositus  
est, cum illico idem Cardinalis primo ad  
summum Pontificem, & postea ad sacri  
Collegii Decanum conversus interro-  
gat, an nulli, quod contra hunc no-  
minatum objiciat, occurreret: si vero  
Decanus respondit, quod illius nomi-  
nationem ratam habeat, tunc summus  
Pontifex huic electo Episcopatum dato  
diplomate concedit, cuius exemplum  
transcriptum ipse etiam Cardinalis Pro-

Bb 3 Can-

Sæcul. XVI. Cancellarius recipit: obtento igitur  
 A.C. 1593.  
 hoc diplomate Cardinalis Proponens in  
 duabus illis schedis, quas nominatus  
 subscripto suo nomine tradiderat, de-  
 bitti summam inscribit, easque suo si-  
 gillo firmat: ejusmodi quoque Decre-  
 tum, quod *contra-Schedulam* appellant,  
 Cardinalis Pro - Cancellarius conficit,  
 quo obtento demum Pontificiæ literæ  
 expediuntur. Ceterum Cardinalis Pro-  
 ponens, si Episcopatus redditus ad cen-  
 tum aureos ascendunt, quindecim au-  
 reos jure exigere potest: si vero ipse  
 met Pontifex proponit, tunc hoc jus  
 ad Secretarios Apostolicos devolvitur:  
 denique neo-assumptus Præfus ad suas  
 ædes reversus, atque Episcopali habitu  
 insignis, ac pileum viridi ora, ejusdem  
 que coloris cingulo ornatum gestans  
 summum Pontificem accedit, ad de-  
 osculandos Sanctitatis suæ pedes per  
 Palatii Magistrum introductus. Por-  
 ro deinceps indutus incedit superpell-  
 ceo, quo ipsus Pontifex illum induit,  
 ac postea neo-electus Præfus præpri-  
 mis facri Collegii Decanum, ac deu-  
 que ceteros omnes Cardinales saluta-  
 tum procedit.

## §. XCIII.

*Tumultus Brunsvici, & Lipsiæ ob  
 hæreticorum sedas excitati.*

Interea